



Broj: 01-49-2-104 /13.

Datum: 16.01.2013. godine

IZVJEŠTAJ

o radu Općinskog vijeća Tešanj za 2012. godinu

UVODNI DIO

Izveštaj o radu Općinskog vijeća Tešanj za 2012. godinu predviđen je u prvom kvartalu Programa rada za 2013. godinu.

Informisanje javnosti o radu i djelovanju Općinskog vijeća je obaveza sadržana u Poslovniku o radu Općinskog vijeća Tešanj (član 90.) i Statuta Općine Tešanj (član 90.).

Cilj ovakvog izvještavanja je da se na jednom mjestu iskažu osnovne aktivnosti Vijeća u izvještajnom periodu, usklađenost rada sa zakonom, definišu eventuauna poboljšanja te na osnovu toga, pruži cjelovita slika o radu Vijeća svim zainteresiranim stranama.

Rad Općinskog vijeća u navedenom periodu bio je na izvjestan način usmjeren Programom rada Općinskog vijeća za 2012. godinu, ali su razmatrana i sva aktuelna pitanja koja su se našla pred administracijom a o kojima je bilo potrebno izjašnjenje Vijeća.

SASTAV VIJEĆA


Prema Statutu Općine Tešanj (član 13.), Općinsko vijeće Tešanj, kao predstavničko tijelo građana općine Tešanj, broji 25 vijećnika.

Sastav Vijeća u mandatu 2008-2012:

- Stranka demokratske akcije.....11 vijećnika,
- Socijaldemokratska partija 6 vijećnika,
- Stranka za Bosnu i Hercegovinu..... 4 vijećnika,
- Bosanskohercegovačka patriotska stranka Sefer Halilović... 4 vijećnika.

Sastav Vijeća u mandatu 2012-2016:

- SDA..... 11 vijećnika,
- SDP..... 7 vijećnika,
- SBiH..... 3 vijećnika,
- BBS SH..... 2 vijećnika,
- SBB..... 1 vijećnik,
- LDS 1 vijećnik.



RAD VIJEĆA


Općinsko vijeće Tešanj je u periodu 01.01.-31.12.2012. godine radilo u redovnim zasjedanjima. Održano je ukupno 10 radnih sjednica, i jedna svečana - 04.04.2012. godine (povodom općinskog praznika).

Konstituirajuća sjednica Općinskog vijeća Tešanj za mandatni period 2012-2016 godinu, održana je 23.11.2012.godine, na kojoj je za predsjedavajućeg Vijeća izabran Fuad Šišić, dipl.ing.maš.. Na istoj sjednici 21 vijećnik (koji su prihvatili mandat) položili su svečane izjave, dok su 2 vijećnika bila opravdano odsutna (zdravstveni razlozi: Ekrem Ajanović i Mirza Unkić) i 2 vijećnika (koji su izabrani naknadno umjesto onih koji su odbili mandate) položili svečanu izjavu na 3. sjednici Vijeća.

Od ukupnog broja sjednica, tri sjednice održane su u novom sazivu Vijeća. Sjednice Vijeća u izvještajnom periodu trajale su u prosjeku oko 4 sata.


Na dnevnom redu sjednica Vijeća bilo je 123 tačke, od čega je 34 ili 27,64 % bilo predviđeno Programom rada Vijeća. Ostalih 89 tačaka ili 72,35 % bile su dodatne aktivnosti nastale kao potreba rješavanja po zahtjevima građana, poslovnog svijeta i drugih subjekata, kao i realizacije ranjih odluka koje u nekim slučajevima ponovo dolaze na Vijeće. To je dovelo do većeg broja tačaka dnevnog reda po jednoj sjednici (u prosjeku 12 tačaka).

Sagleda li se struktura tema i pitanja o kojima se vodila rasprava i donosili zaključci, najbrojniji su prijedlozi rješenja (58), odluka (47), informacije (29), zatim inicijative (25), izvještaja (11) i ostali prijedlozi (9). U javnu raspravu upućeno je 6 nacrti odluka.



U izvještajnom periodu Općinsko vijeće je nakon provedene rasprave usvojilo 46 odluka, 58 rješenja i 68 zaključaka.

Da bi se stekla stvarna slika navedenih podataka, odnosno rada Vijeća u 2012.godini, potrebno je navedene podatke uporediti sa planskim aktivnostima koje su definirane Programom rada Vijeća za 2012.godinu, što je iz narednog pregleda jasno vidljivo:



	Odluke	Izvještaj	Informacije	Rješenja	Ukupno	Zaključci
Planirano	8	8	18	-	34	-
Realizovano	46	11	32	58	147	68

Osnovne tematske odluke, koje je Vijeće u izvještajnom periodu donijelo, bile su:

- Odluka o usvajanju i provođenju urbanističkog projekta "Tešanj-Centar" u Tešnju,
- Odluka o usvajanju Liste kapitalnih projekata za 2012. godinu,
- Odluka o usvajanju Strategije razvoja socijalne zaštite općine Tešanj za period 2012-2017,
- Odluka o osnivanju Zdravstvenog savjeta,
- Odluka o usvajanju Programa novčanih poticaja za unaprjeđenje primarne poljoprivredne proizvodnje na području općine Tešanj u 2012. godini,
- Odluka o pristupanju izmjeni Regulacionog plana „Centar“ Jelah,
- Odluka o zagrijavanju Tešnja daljinskim grijanjem i Uslovima za isporuku i preuzimanje toplotne energije,
- Odluka o donošenju Programa razvoja zaštite i spašavanja od prirodnih i drugih nesreća općine Tešanj za period 2012. - 2016. godina,
- Odluka o preuzimanju i zadržavanju osnivačkih prava nad Općom bolnicom Tešanj,
- Odluka o usvajanju nacрта Urbanističkog rješenja mikrolokacije Centra Jelaha sa redefiniranjem elemenata dijela Regulacionog plana "Centar" Jelah,
- Odluka o osnivanju Mjesnih ureda Općine Tešanj u Kaloševiću i Šijama,
- Odluka o izmjenama i dopunama Odluke o administrativnim taksama,
- Odluke o davanju saglasnosti radi prijenosa prava na nekretninama („Muftin Konak“),
- Odluka o izmjeni Poslovnika o radu Općinskog vijeća Tešanj,
- Odluka o višegodišnjem finansiranju projekta (vodosnabdijevanje, I faza),
- Odluka o davanju saglasnosti i odobravanju raspisivanja javnog konkursa (SGI),
- Odluka o izmjenama Odluke o davanju nekretnina na korištenje d.o.o. „Veterinarska stanica“, Tešanj na lokalitetu Tešanjka,
- Odluka o prijenosu prava korištenja na nekretninama sa MZ Mrkotić na Općinu Tešanj,
- Odluka o prijenosu prava korištenja na nekretninama na Općinu Tešanj i davanje na korištenje MZ Karadaglije,
- Odluka o stipendiranju redovnih studenata dodiplomskog studija (prvog ciklusa) u akademskoj 2012/2013.godini,
- Odluka kojom se odobrava građanima MZ Jelah – naseljenog mjesta Mračaj i Potočani da koriste zemljište državne svojine,
- Odluka o korištenju javnih površina,
- Odluka o izmjenama i dopunama Odluke o naknadama vijećnicima i članovima komisija koj imenuje Općinsko vijeće,
- Odluka o usvajanju Komunikacijske strategije Općine Tešanj 2012-2015.
- Odluka o prenosu prava korištenja na nekretninama u korist MZ Mrkotić.

METODE I NAČIN RADA

Aktivnosti Općinskog vijeća zasnivale su se na zadacima utvrđenim Programom rada Vijeća za 2012. godinu, te tekućim potrebama građana, poslovnog svijeta i drugih subjekata. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali za sjednice Vijeća su uglavnom dostavljani najmanje 5 dana prije same sjednice, a nakon donošenja Odluke o izmjeni i dopuni Poslovnika o radu Općinskog vijeća Tešanj broj: 01-05-6-3875-6/11 od 05.09.2012.godine materijali su dostavljajni 7 dana prije same sjednice, čime je ispoštovana procedura iz Poslovnika o radu Vijeća. Od februara 2012.godine cjelokupan radni materijal planiran za sjednice Vijeća, odmah poslije sjednice Kolegija objavljuje se na zvaničnoj web stranici Općine, a što je načelno oko 15 dana prije održavanja sjednice, tako da je sav materijal dostupan svim građanima sa ciljem

da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu, pored pokretanja 25 inicijativa, postavili i 58 vijećničkih pitanja na koja je odgovoreno, uglavnom do naredne sjednice Vijeća.

Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan, tako da su sjednicama redovno prisustvovali i mediji (TV "Smart" Tešanj – snimak sjednica, NTV „AMNA” - direktan prijenos sjednica od jula 2011. godine (od 31. sjednice) i novinar Radio Tešnja g-din Halid Fežić), građanima općine bilo je omogućeno direktno televizijsko praćenje sjednica Vijeća, te kraće reportaže putem TV "Smart" Tešanj i lokalnih radio stanica u trajanju od 15 minuta (Tešanjska hronika), a konačni akti redovno su objavljeni u "Službenom glasniku Općine Tešanj".

Takođe, rad Vijeća redovno je predstavljan na web stranici Općine Tešanj i Tešanjskom biltenu, kao i štampanju tematskih letaka sa nekih sjednica Vijeća, te na druge načine.

PRISUSTVO SJEDNICAMA VIJEĆA

Prisustvo sjednicama Vijeća bilo je dobro jer su svakoj sjednici Vijeća, od ukupno 25 vijećnika, u prosjeku prisustvovala 24 vijećnika ili 96 %.

Od ukupno 10 održanih sjednica Vijeća u 2012. godini, sjednicama Vijeća, uglavnom nakon ranije najavljenog opravdanog odsustva preko predsjedavajućeg Vijeća, nisu prisustvovali sljedeći vijećnici:

R.br.	Ime i prezime	Odsustvo sa sjednice
1.	Mirza Unkić	3 sjednice
2.	Zehrudin Kruško	2 sjednice
3.	Ekrem Ajanović	2 sjednice
4.	Amela Ostrvica	1 sjednica
5.	Edin Hadžalić	1 sjednica
6.	Dajana Bašić	1 sjednica
7.	Amir Kurtić	1 sjednica
8.	Jakub Rošić	1 sjednica
9.	Ermelina Čostović	1 sjednica

RADNA TIJELA VIJEĆA

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela.

Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovniku o radu, Vijeće ima jedanaest komisija u Općinskom vijeću Tešanj.

Pregled stalnih radnih tijela Vijeća i broja održanih radnih sastanaka u izvještajnom periodu:

R.br.	Radno tijelo	Broj sastanaka
1.	Statutarna komisija	3 sastanka
2.	Komisija za budžet	2 sastanka
3.	Komisija za primjenu Kodeksa ponašanja vijećnika u Općinskom vijeću Tešanj	1 sastanak
4.	Komisija za pitanja mladih	4 sastanka

Održano je 10 sastanaka stalnih radnih tijela, s tim da sedam komisija nije održalo ni jedan sastanak, što dovodi do zaključka da u ovom izvještajnom periodu nije bilo potrebe da se određena radna tijela angažuju.

Pored stalnih radnih tijela, Vijeće je imenovalo veći broj privremenih radnih tijela. Neka od njih su: Komisija za studentske stipendije, Komisija za procjenu vrijednosti nekretnina u prometu, Komisija za provođenje javnog konkursa za dodjelu građevinskog zemljišta u državnom vlasništvu, Komisija za promjenu naziva JU Opća bolnica Tešanj i dr. Ova radna tijela (komisije), imenovana su po potrebi i mandat će im biti završen nakon obavljenog posla za koji su imenovane.

REALIZACIJA ZAKLJUČAKA

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je Općinski načelnik realizovao zaključke donesene od strane Općinskog vijeća, ili je realizacija u toku ovisno o prirodi samih zaključaka. Općinsko vijeće je o tome informisano dostavljanjem pisanog pregleda svim vijećnicima što je potrebno nastaviti i u narednom periodu.

ZAKLJUČNA RAZMATRANJA

Sadržaj predmetnog izvještaja ukazuje na značajne i vrlo obimne aktivnosti Općinskog vijeća Tešanj. Pregled aktivnosti Vijeća pruža priliku da se sagledaju obim i rezultati rada i prilika je za stvaranje kritičkog odnosa na eventualne manjkavosti.

Kada se ima u vidu ukupna realizacija planskih i dodatnih aktivnosti, može se konstatovati da je Općinsko vijeće u 2012. godini uspješno realizovalo svoje nadležnosti, ovlaštenja i odgovornost.

Činjenica da je većina odluka podržana u predloženom ili neznatno izmijenjenom sadržaju, te da je samo jedan prijedlog odluke odbijen, ukazuje na dobru saradnju lokalnih organa vlasti, Općinskog vijeća i Općinskog načelnika, što je i statutarna obaveza, a i pretpostavka za efikasan rad lokalne uprave.

Shodno članu 91. Poslovnika o radu Općinskog vijeća, u izvještajnom periodu po tačkama:

- Općinsko vijeće Tešanj je donijelo 46 odluke, 58 rješenja i 68 zaključaka.
- Na adresu Općinskog vijeća pristiglo je 9 komentara na odluke koje je Vijeće donijelo.
- Općinsko vijeće je donijelo 12 odluka koje su inicirali građani, a koje se uglavnom odnose na dodjelu zemljišta.
- Održano je 6 javnih rasprava.
- Analizu ekonomske opravdanosti sadržavalo je 15 odluka.
- Na sjednicama Vijeća, pored redovnih gostiju, prisustvovalo je 5 građana.

PREDSJEDAVAJUĆI VIJEĆA

Fuad Šišić, dipl.ing.maš.